

ՈՒՂԻՂ ԽՆԴԻՐ ԿԱԽՅԱԼ (ԵՐԿՐՈՐԴԱԿԱՆ) ՆԱԽԱԴԱՍՈՒԹՅՈՒՆՆԵՐԻ ԿԻՐԱՌՈՒԹՅՈՒՆՆ ԱՐԴԻ ՄԱՍՈՒԼՈՒՄ

Որպես նախաբան մշենք, որ ստորադասական նախադասության մեջ կարևոր նշանակություն ունեն մրա բաղադրիչների շարադասությունը, շաղկապների, շաղկապական բառերի ու հադաբերականների գործածությունը: Կարևոր են մաև գերադաս նախադասության բայի սեռն ու խնդրառությունը, գերադաս և ստորադաս նախադասությունների հաժաժայնությունը ժամանակային առումով, եղանակային ձևերով և այլն: Ստորադասական կապակցության մեջ որոշակի դեր ունեն ոչ միայն բայերը, այլև վերաբերականները, մակբայները, կապերը և այլն: Ենթակա, ստորոգելիական վերադիր, ուղիղ և անուղղակի խնդիր երկրորդական նախադասություններ ունեցող ստորադասական կապակցությունների հաժար առանձնակի նշանակություն են ստանում անձի և իրի, դեմքի, թվի, հոլովի քերականական կարգերը: Մեծ է մաև հնչերանգի դերը:

Սույն աշխատանքում կփորձենք ներկայացնել ուղիղ խնդիր կախյալ (երկրորդական) նախադասություններն՝ ըստ կապակցման տարբեր եղանակների. «Բարդ նախադասության բաղադրիչ մասերի կապն արտահայտվում է երկու եղանակով՝ բառական և շարահարական»¹: Ըստ Ա. Պապոյանի և Բաղիկյանի՝ «ուղիղ խնդիր երկրորդական նախադասությունների կապակցությունը լինում է նշույթավոր և անշույթ»²:

Ամենենք նշույթավոր կապակցություններին:

1. Յուրաքանչյուր գրական լեզվի բնորոշ է բարդ նախադասության բաղադրիչ մասերի կապակցումը շաղկապներով և շաղկապական բառերով: Դրանք «բավականին ձևավորված արտահայտություն են գտել դեռևս հայատառ առաջին գրքի՝ «Աստավածաշնչի» թարգմանության մեջ, մաև հինգերորդ դարի հայ պատմիչների երկերում»³ Սա նշանակում է, որ մեր լեզուն դեռ հնադարում դիմել է բարդ նախադասություններ կազմելուն շաղկապներով և շաղկապական բառերով: Խոսելով դրանց կապակցման

¹ «Ժամանակակից հայոց լեզու», Ակադ. հրատ., III հատոր, Երևան, 1974, էջ 556:

² Ա. Պապոյան, Խ. Բաղիկյան, «Ժամանակակից հայոց լեզվի շարահյուսություն», Երևան, 2003, էջ 316:

³ Բ. Վերդյան, «Բարդ ստորադասական նախադասություն», Երևան, 1970, էջ 44:

դերի մասին՝ լեզվաբան Կ. Առաքելյանը մի հետաքրքիր դիտողություն է անում. «Շաղկապների նշանակությունն այնքան մեծ է, որ միևնույն նախադասությունները, մի բարդության մեջ կապակցվելով այս կամ այն շաղկապով, տարբեր բնույթի բարդություն են կազմում»⁴: Հարցի քննությունը թույլ է տալիս մեզ ասելու, որ ուղիղ խնդիր կախյալ նախադասությունների ժերակշռող մասը կազմում են շաղկապական կապակցությունները: Այս առումով մասնավորապես հատկանշական են որ և քե շաղկապներով կառույցները: Դրանք, հիմնականում ունենալով բացատրական նշանակություն, մեծ մասամբ գործածվում են ուղիղ խնդիր կախյալ նախադասությունների կապակցության ժամանակ: Իհարկե, այս շաղկապները կապակցում են նաև մի շարք այլ բնույթի երկրորդական նախադասություններ:

Արդի մամուլում ավելի շատ գործածվում են որ-ով կապակցված ուղիղ խնդիր կախյալ նախադասությունները: Այստեղ կենդանացնենք բոլոր այն բայերը, որոնց պահանջով կազմվել են ուղիղ խնդիր կախյալ նախադասություններ:

Դ. Մեծ խումբ են կազմում ասացական բայերը, որոնք «հաղորդման, տեղեկատվության նշանակություն են արտահայտում»⁵, օրինակ՝ հայտարարել, ընդգծել, հիշեցնել, պնդել, նշել, խոստովանել, բացառել, ասել, ապացուցել, շեշտել, տեղեկացնել, զգուշացնել, կրկնել, ավելացնել, արտահայտել, փաստել և այլն: Դիտարկենք նախադասությունները.

ա) Միաժամանակ պետք է ընդունենք, որ Արևելյան երկրների և Հարավային Կովկասի երկրները զարգացման նոր փուլում են (Իր. Թ. 40, էջ 3):

բ) Զրուցակիցներն անմիջապես նշեցին, որ դա անցանկալի սցենար է (Իր. Թ. 40, էջ 3):

գ) Նա փաստեց, որ այս ընտրապայքարում անհայտ դեմքեր գրեթե չկան (ՀՀ, Թ. 18, էջ 1):

դ) ...Կարծանագրի, որ օրենքի իշխանությունը իսպառ դադարել է գոյություն ունենալ (Հժ, Թ. 40, էջ 4):

ե) Ժողովուրդն ապացուցեց, որ ինքն ընկրկող չէ (Իր., Թ. 16, էջ 3):

զ) Նա ասել է, որ, ցավոք, այո, առկա են խոչընդոտներ (ՀՀ, Թ. 18, էջ 2):

⁴ Կ. Առաքելյան, «Հայերենի շարահյուսություն», Երևան, 1964, Բ հատոր, էջ 83:

⁵ Գ. Գաբրեղյան «Ժամանակակից հայոց լեզու», Երևան, 1991, էջ 191

ե) Յեղիմակը պնդում է, որ ներկայումս Հայաստանի սահմաններից դուրս գտնվում է 750 հզ. մարդ (ՀԺ, Թ. 41, էջ 2):

II. Առանձին խմբով ներկայացրել ենք մտածական և իմացական բայերին լրացնող երկրորդականները, որոնք «նշում են մտածության և իմացության օբյեկտը»⁶, օրինակ՝ գրել, ընդունել, կարծել, գիտեն, ենթադրել, հասկանալ, ըմբռնել, գիտակցել, վստահեցնել, պատկերացնել, եզրակացնել, մտածել, իրականացնել և այլն:

ա) Ես չգիտեմ, թե ինչ արծագանք եք ակնկալում իշխանություններից (Իր. Թ. 14, էջ 5):

բ) Այսօր հստակ պատկերացնում է, թե ինչ է տեղի ունեցել (ՀԺ, Թ. 41, էջ 1):

գ) Շատերը ենթադրում են, որ 2008-ին գնաճային ճնշումները կարող են քուլանալ (ՀՀ, Թ. 20, էջ 3):

դ) Այդ մարդիկ չգիտակցեցին, թե այսօր ժողովուրդն ինչ է անում (Իր. Թ. 16, էջ 1):

ե) Ես կարծում եմ, որ խոսքը մեզ չէր ուղղված (Իր. , Թ. 16, էջ 3):

զ) Եկեք հասկանանք, թե ինչու չկա (ՀՀ, Թ. 16, էջ 12):

III. Զգալի խումբ են կազմում զգայական ընկալման բայերից (զգալ, տեսնել, նկատել, մոտենալ, մոռանալ, և այլն) կազմված երկրորդական նախադասությունները.

ա) Բանախոսը նկատեց, որ արդեն որոշ քայլեր արված են (ՀՀ, Թ. 18, էջ 2):

բ) ... Նկատեց, որ հայերը հայերեն չեն խոսում (Իր. , Թ. 14, էջ 7):

գ) ... Ակամա հիշում, ես, որ ահավոր մի ախտամիչով վարակվեց հասարակությունը (Իր. , Թ. 16, էջ 6):

ե) Զգացի, որ վիրահատությունը երկարում է (ՀԺ, Թ. 41, էջ 2):

IV. «Հրաման, խնդիր, ցանկություն արտահայտող»⁷ բայերից կարող ենք բերել հետևյալները՝ թույլ տալ, տեղեկացնել, ուզենալ, ցանկանալ, ցույց տալ և այլն:

ա) Մենք միշտ ցանկացել ենք, որ Եվրոպական սահմանը մի օր մոտենա մեզ (ՀՀ, Թ. 20, էջ 4):

բ) Ես պարզապես ուզում եմ, որ այս ռեժիմն այլևս չգործի (ՀՀ, Թ. 20, էջ 3):

⁶ Գ. Գարեգինյան «Ժամանակակից հայոց լեզու», Երևան, 1991, էջ 192:

⁷ Գ. Գարեգինյան «Ժամանակակից հայոց լեզու», Երևան, 1991, էջ 193:

գ) Ցույց են տվել, որ հնարավոր է շատ լավ արդյունքների հասնել(ՀՀ , Թ. 18, էջ 1):

դ) Չէի ուզեմ, որ այդ չհաջողված ֆարսը ողբերգություն դառնար մեր ժողովրդի, մեր պետության համար (Իր. Թ. 16, էջ 13):

Իհարկե, բայերի նմանատիպ խմբավորումը չի նշանակում, թե դրանք պահանջում են միայն ուղիղ խնդիր երկրորդական նախադասություններ: Վերոհիշյալ բայերից շատերը, պահանջում են տարաբնույթ երկրորդական նախադասություններ, որոնց բննարկմանը այստեղ չենք սնդրադառնա: Շաղկապական ուղիղ խնդիր երկրորդականները մեծ մասամբ վերջադաս դիրքով են հանդես գալիս, սակավ դեպքերում՝ միջադաս, երբեմն էլ՝ առաջադաս, երբ անհրաժեշտ է լինում հատկապես շեշտել, երկրորդականների բովանդակությունը կամ երբ արտահայտում են անուղղակի հարցում՝ իր կազմում ունենալով կամ չունենալով հարցական դերանուն:

ա) Թե որքանով էր այդ տեղեկությունը խամապատասխանում իրականությանը, փորձեցինք ճշտել (Իր. , Թ. 16, էջ 2):

բ) Թե որ թեկնածուին է սատարելու շարժումը, Ավետիսյանը կհայտարարի (ՀՀ , Թ. 20, էջ 4):

գ) Թե կոնկրետ ինչպիսին է լինելու այդ քաղաքական լուծումը, հիշյալ բանաձևը չի մատնանշում (Իր. , Թ. 14, էջ 6):

դ) Թե կոնկրետ ինչ արդյունքներով կարտահայտվի այս ամենը, մենք դեռ կներկայացնենք (Իր. , Թ. 14, էջ 13):

Անդրադառնա՞նք մի կարևոր հարցի ևս. լեզվաբանության մեջ ասացական – մտածական- իմացական մի շարք բայերով դրված նախադասությունների մասին կա՞ տարակարծություններ: «Ժամանակակից հայոց լեզվի շարահյուսություն» ձեռնարկում այս մասին գրված է.«Եթե գերադաս բաղադրիչում գործածվում է ներգործական սեռի ասացական – մտածական խնդրառու բայ, և բացակայում է հարաբերյալը, ստորադաս բաղադրիչը կարող է ընկալվել և որպես սեռի՝ ուղիղ խնդիր, և որպես բայիմաստի՝ վերաբերության խնդիր»*: Լեզվաբան Գ. Գարեգինյանը սրանք համարում է ուղիղ խնդիր երկրորդականներ: Մենք ևս, հետևելով նրան, նման կառույցները համարել ենք ուղիղ խնդիր երկրորդականներ:

* Ա. Պապոյան, Բաղիկյան, «Ժամանակակից հայոց լեզվի շարահյուսություն», Երևան, 2003, էջ 328:

2. Ստորադասական կապակցության մեջ մեծ է հարաբերական ու հարաբերյալ բառերի դերը, «բոլոր հարցական բառերը, որոնք, կորցնելով իրենց նշանակությունը, գործ են ածվում իբրև հարաբերական կամ շաղկապական բառեր և կապում են երկրորդական խոսքը գլխավորի հետ»⁹։ Բարդ ստորադասական նախադասության մեջ հարաբերական բառերը, կատարելով շաղկապի դեր, հավասարվում են նրանց իրենց շարահյուսական դերով, մնացած բոլոր հատկանիշներով, մասնավորապես նյութական նշանակությամբ տարբերվում նրանցից։ Ի տարբերություն շաղկապների, հարաբերականները կատարում են երկրորդական նախադասության որևէ անդամի պաշտոն։ Դրանք մեծ մասամբ դերանուններ են կամ անորոշ նշանակություն ունեցող բառակապակցություններ(այն, այնպիսի, այնտեղ, այն ժամանակ, մի բան և այլն), որոնք իմաստավորվում են երկրորդական նախադասությունների միջոցով։

Քերականագիտության մեջ հարաբերյալ են համարվում, այն բառերը(մեծամասամբ ցուցական դերանուններ),որոնք հենց թելադրում են համապատասխան հարաբերական բառերի գործածություն երկրորդական նախադասության մեջ։ Հարաբերյալներն ու հարաբերակները ունեն կապակցական դեր, ըստ որում ելակետը հարաբերյալն է, որն ազդարարում է գլխավոր նախադասությանը լրացնող երկրորդական նախադասության հաջորդումը և մյուս կողմից թելադրում իրեն համապատասխան որևէ հարաբերական : Այսպես առաջանում են դրանց զուգորդումները՝ այն – ինչ, նա - ով, այն ամենը – ինչ, այնպես – ինչպես և այլն։

Երբ գլխավոր նախադասության օբյեկտը, որը նկարագրվում է երկրորդական նախադասության մեջ, անձ է, որպես կապակցության միջոց գործածվում են *ով (ով որ)*, երբեմն նաև *որ* հարաբերականները։ Այս դեպքում գլխավորի մեջ առկա է լինում հարաբերյալ։ Որպես այդպիսիք հանդես են գալիս *նրան, նրանց, ամեն մեկին, բոլորին* դերանունները, այսպես՝

ա) Մարդիկ ուղղակի սթրես են ապրում և հետո չեն ներում նրանց, ում մեղքով այդ ապրումներն ունեցել են (ՀԺ, Թ. 40, էջ 5)։

բ) Հիշենք նրանց, ովքեր ընկան այդ մարտում (Իր., Թ. 14, էջ 13)։

Եթե այդ նույն գործողությունը վերաբերում է որևէ «առարկայի, իրողության կամ առարկայացված մեկ այլ գործողության, օգտագործվում են ցուցական երրորդ շարքի *այն և նրանք*, ինչպես և *նույնը, միևնույնը*

⁹Ս. Աբեղյան, «Հայոց լեզվի տեսություն», Երևան, 1965, էջ 609։

դերանունները, բոլորը՝ միայն ուղղական հոլովով»¹⁰: Տվյալ դեպքում կապակցության միջոց կարող են դառնալ *ինչ, որ* հարաբերականները:

Այս դեպքում գլխավորի մեջ սովորաբար լինում է հարաբերյալ՝ *այն* ցուցական դերանունը և մի քանի որոշյալ դերանուններ՝ *այն ամեն, այն բոլորը, ամեն բան* և այլն:

ա) ... Համարեց այն, որ անցում է կատարվում դեպի... ռազմավարություն (ՀՀ, Թ. 20, էջ 1):

բ) Արդյունքը եղավ այն, որ հեռացավ քաղաքական դաշտից (ՀՀ Թ. 20, էջ 3)

«Հարաբերյալի գործածությունը գրեթե կամընտիր է...: Սակայն կարող են լինել նաև այնպիսի կառույցներ, որտեղ հարաբերյալի առկայությունը անհրաժեշտ է»¹¹: Իսկ երբ պետք է շեշտել երկրորդականի բովանդակությունը, հարաբերյալը կրկնվում է: Այս դեպքում ուղիղ խնդիր երկրորդական նախադասությունը դրվում է հարաբերյալից հետո, ունենում վերջադաս դիրք: Առաջադաս գործածվում է հազվադեպ, այն էլ չափածո խոսքում: Թերևս սա է պատճառը, որ այդպիսիք մեզ գրեթե չհանդիպեցին:

3. Բարդ ստորադասական նախադասության բաղադրիչների կապակցման մի եղանակ է շարահարությունը, «երբ երկրորդական խոսքերը, որոնք սկզբնապես գլխավորից անկախ խոսքեր են, առանց որևէ կապակցական բառի, նշանակությամբ միայն միանում են գլխավոր խոսքի հետ»¹², - նշում է մեծ հայագետը:

Ժամանակակից հայերենում հաճախ է գործածվում ուղիղ խնդիր երկրորդականների անշաղկապ կապակցությունը: Վերջինիս դեպքում ևս բարդ նախադասության բաղադրիչների միջև լինում են իմաստային նույն հարաբերությունները, ինչ որ շաղկապական կապակցության ժամանակ: Հարկ ենք համարում նշել որ շարահարական կախյալ կապակցությունները շաղկապական և հարաբերական կապակցությունների համեմատությամբ իրենց իմաստային նրբերանգներով, ոճական արժեքով ու նշանակությամբ ունեն խիստ բազմազան բնույթ:

«Շարահարական կապակցությունն ամենից առաջ բնորոշ է ժողովրդական լեզվամտածողությանը և գործ է ածվում ոչ միայն խոսակցական լեզվում,

¹⁰ Ա. Պապոյան, Խ. Բաղիկյան, «Ժամանակակից հայոց լեզվի շարահյուսություն», Երևան, 2003, էջ 316:

¹¹ Ա. Պապոյան, Խ. Բաղիկյան, «Ժամանակակից հայոց լեզվի շարահյուսություն», Երևան, 2003, էջ 316:

¹² Մ. Աբեղյան, «Հայոց լեզվի տեսություն», Երևան, 1965, էջ 609:

այլև ժողովրդական բանահյուսության տարբեր ժանրերում»¹³։ Կապակցումը դրսևորվում է քերականական – շարահյուսական օժանդակ միջոցներով՝ բառերի դասավորությամբ, բարդ նախադասության բաղադրիչների շարադասությամբ, հնչերանգով և այլն։

«Շարահարությամբ կապակցվում են մասնավորապես ասացական, հասկացական իմաստով բայերին լրացնող այն նախադասությունները, որոնց կազմում կա որևէ հարցական դերանուն, որով էլ հենց դրանք արտահայտում են անուղղակի հարցում»¹⁴։ Այսպես՝

ա) Պատահաբար չգիտե՞՞ր(վ) է լինելու ապագա վարչապետը(Իր.Թ.16, էջ 7)
բ) Ժողովուրդը ենթագիտակցորեն զգում է՝ որտեղ է ծիշտը, որտեղ է սխալը (Իր. , Թ. 16, էջ 5)։

գ) ... Դաժախ չեն էլ նկատում՝ երբ է վերջանում մի օրը(ՅԺ-Թ. 40, էջ 6)։

դ) Չեն ասում՝ ինչ են պահանջում(ՅԺ , Թ. 41, էջ 6)։

Երբ երկրորդական նախադասությունը վերջադաս է, սովորաբար նրան հարաբերյալ չի համապատասխանում։ Այն անմիջաբար կատարում է գործողության ուղիղ խնդրի պաշտոն, օրինակ՝ «Լրագրողներից մեկին հետաքրքրում է՝ այդ դեպքում որքանով է կարևոր մյուս ընդդիմադիրների միավորումը»(ՅԴ , Թ. 20, էջ 3)։

Ուղիղ խնդիր երկրորդականները անշաղկապ կապակցության ժամանակ լինում են սովորաբար վերջադաս։ Դասկանալի է, որ շաղկապական բառի բացակայության դեպքում սկզբում պետք է հաղորդվի այն նախադասությունը, որի ներգործական սեռի ստորոգյալի պահանջով գործածվում է խնդիր երկրորդական նախադասությունը, օրինակ՝

ա) Ես չեմ էլ հասկանում՝ էլ ինչն են ուզում զիջել(Իր. , Թ. 16, էջ 14)։

բ) Ես չգիտեմ՝ մեր իշխանությունների իմաստությունը, գիտակցությունը, թե՞ հայրենասիրությունը չի հերիքում, որ այդ փաստերն օգտագործեն որպես զենք (Իր. , Թ. 16, էջ 14)։

գ) Դասկանում էի՝ ոտքի վիրահատություն և այդքան երկա՞ր(ՅԺ Թ. 41 էջ 2)։

¹³ Լ. Եզեկյան «Ոճագիտություն», Երևան, 2003, էջ 330.

¹⁴ Ս. Պապոյան, Խ. Բադիկյան, «Ժամանակակից հայոց լեզվի շարահյուսություն», Երևան, 2003, էջ 318։